

Тавося май 12-13 лунгъясё «Парма гор» газетлөн редакцияын мунис районса том гижысьяслөн семинар. Волісны дас куимён. Найёс велёдны матыстчылісны Сыктывкарысь Александр Ульянов да Анжелика Елфимова, Помёсдінсы Александр Шебырев.

Велёдчёмьсь өтдор нимөдісны «Подув вөр» кывбурьяса өтувья сборник, көні петкөдчисны Помёсдін вожса том авторьяс. Тайё книгасё

газетлөн редакция козыналіс районса библиотекаяслы, школаяслөн библиотекаяслы, Помёсдінса школалы, аслыныс том гижысьяслы.

Семинарлөн кывкөртөдөн лоис шубом, мый Эжва йыв озыр том гижысьяслөн, кодъяслөн мыйсюрө артмөнин, налы быдмыны водзё да ножкөдны нэмсё коми литературалысь.

Талунья «Эжва» литература лист бок ставнас семинар вылө волысь авторьяслөн гижөдъясысь.

ЭЖВА



РАЙОНСА ГИЖЫСЬЯСЛӨН
ЛИТЕРАТУРНОЙ ЛИСТ БОК

КЫВБУРЬЯС

ЧУЖАН МУ

Дона меным, мый көть шуой,
Аслам войвыв чужан муой.
Коми йозкөд овны гажа,
Сылан юргө выль и важыс.
Тані медся чөскыд сынөд,
Весиг содө эбөс-выныд.
Тані медся ёна шонтө
Енэж дзибсянь дзоргысь шонді.
Сьёлөм радлө лунысь-лунө,
Бурыс локтө, лёкыс муно.
Тані сөмын овны кута,
Тані сөмын лоа шуда.

Дарина ПОПОВА,
8 класс.

Кулөмдін.

МАМЛЫ

Еджыд платтёөн пасьтасыліс льөм,
Еджыд платтёсө кышавліс пельсы.
Сөсся гожмөлөн дзуалис рөм
Да кузь зэръяса арланьыс келіс.

Олам куимён: вок, тэ да ме.
Луныс миянлы мичаён чужө.
Бательсы паметьсө сьёлөмад тэ
Видзан сөстөмөн, тайёс тэ кужан.

Бара еджыдөн пасьтасыс льөм,
Бара еджыдөн пасьтасыс пельсы.
Тэнад сьёлөмын тувсовья рөм,
Көнкө, батынымлөн кыис кодь мелі.
Алёна ТАРАБУКИНА,
10 класс.

Дзоль.

МУСА ШКОЛА

Чолөм, мена дона школа,
Медся радейтанаин.
Тэкөд бура дыр нин ола,
Муслун тэ дорө оз чин.

Велөдысьыс тані уна,
Быдөн мелі, быдөн шань.
Некодос ог некор вунөд,
Коді нуө югыдлань.

Велөдоны мам и нылыс,
Велөдоны батъ и пи.
Менам сьёлөм важөн кыліс:
«Велөдчөмыд - югыд би!»
Наталья ЗЕЗЕГОВА,
7 класс.

Кулөмдін.

ГОРТЫН

Джуджыд вөрын кызъяс, козъяс,
Сөстөм шор да эзысь ёль,
Мича пельсы пулөн розьяс -
Тайёс некор ме ог коль.

Тэнө радейта ме, парма,
Ог ме вунөд тэнө, ог.
Абу сьёлөм серти кар мен,
Сэтчө абу менам мог.

Быттьө лэбач гортын сыла,
Йозын сыланкын ог пан.
Дона йозкөд ола-выла
Сөмын тан ме, сөмын тан.
Мария ПАРШУКОВА,
11 класс.

Немдін.

ТУЛЫС

Сьёлөм ловзис, сійө сьылө,
Лэбач дзользёмсө кор кылө.
Тулыс локтө, вөр-ва ловзьө,
Төлыс пышгьяс, сьылөн овсяс.
Шонді кутас лунтыр овны,
Ми ог кутөй войысь повны.
Ошинь улө ставным петам,
Гөлөсьяслы вөля сөтам.

Олимпиада ИГНАТОВА,
7 класс.

Помөсдін.



Май 12-13 лунся семинар вылө волысьяс да найёс велөдысьяс.
Снимок Николай ЛЮТОЕВЛӨН.

СЬӨКЫД УДЖ

Семинар вылө ме локтө радпырысь и эг весьшөрө. Тані меным индिसны ошыбкаяс вылө да найёс сөсся водзё ог лэдз аслам кывбурьясын. Анжелика Геннадьевна Елфимова шуис, мый гижөм - сьөкыд удж, но зэв ыджыд шуд. Збылысь таззи и эм. Төдмаси уна нывъёрткөд, кодъяс сідзжө гижөны. Семинар бөрын ме верма ясыда шуны, мый гижны кывбурьяс да висьтъяс ог дугды, а кута ёнджыка уджавны, медым артисны сөстөм да мича гижөдъяс. Ыджыд аттьө көсья шуны миянөс велөдысьяс Анжелика Геннадьевна Елфимовалы, Александр Васильевич Шебыревлы да Александр Васильевич Ульяновлы. Тайё кык луннас найө сетисны уна төдөмлун.

Александра БЕЛЯКОВА.
Улыс Ярашгью.

КЫВБУРЬЯС

МУСЛУН

Ме өд тэнө радейта,
Мича, муса зон.
Сьёлөм вылад воа-ө,
Висьталан ли он?

Тэ йылысь век мөвпала,
Войяссө ог узь.
Мыйла тэнад сывъяссө
Век на ме эг усь?

Тэнад мича сингъясө
Вөйи - юр ни кок.
Көсья эськө вунөдны,
Да ог вермы, ог.
Мария ЮШКОВА,
8 класс.

Куж.

СӨМЫН ТЭ

Көсья овны нэмсө тэкөд,
Да мед эг и төдлөй дой.
Эскы: гажа лоө мекөд,
Пөсь да небыд лоө сой.

Кутам овны мича лолөн
Нэмсө өтув юсыас моз.
Сөмын тэ и меным колан,
Сөмын тэ - и некод оз.

Анастасия
ЧАЛАНОВА,
8 класс.

Кулөмдін.

ТӨВСЯ РЫТӨ

Төвся рытө
гортысь петі,
Лымйыс сапкө,
кынмө ныр.
Коркө кылі
мамлысь гөлөс:
«Нылө, өйдөджык
вай пыр!»

А ме пырнысө
ог мөвпав,
Вирөй өзіё,
чужөм пым.

Менө весьшөртис мичыс:
Пемыд войын -
еджыд лым.
Дарья ИГНАТОВА,
6 класс.

Помөсдін.

МЕНАМ ДОНА ПОЖӨГӨЙ

Менам дона Пожөгөй Эжва йылын. Сы йылысь висьтөс окота панны нөрыс вылө пуксьөм Троицкөй вичкосянь, кодөс кыпөдлөмаөсь зэв нин важөн. Сөмын век пензьөдө аслам мичлунөн, сиктө пыригөн медводз шыбитчө сингъясө. Аддзан сійөс да гөгөрвоан, мый воин гортад, муса гортад. Сійө эскө, мый коркө бара на востысны да кутасны воыны уна йөз.

Оз быдөн төд, кутшөм вөлі сьылөн олан туйыс. Та вөсна пасйышта. Коркө важөн-важөн көсйөмаөсь лэптыны вичко Пожөгдінө. Пөрөдөмаөсь да ваялөмаөсь вөрсө Эжва ю дорө. Оти асылө локтөмаөсь, а кер чукөрыд абу. Вөтчасын пыжөн да аддзасын, мый керъясыд чукөрөн сибдөмаөсь Пожөг сикт весьтө. Тыдалө пө, Енмыс гадзи шуөма. Сэні и лэптасын вичкотө. Недыр мысти сійө сотчас да вөчасны кирпичысь, коді сулалө и өні. Праздник лунгъясө көлөкөл шыыс кылөма матигөгөрсө став сиктын. Унаөн тані венчайтчывлөмаөсь, пыртчывлөмаөсь.

ЧУЖАНИН

Сылы копыртчылөмөн мөдөдчылөмаөсь дорйыны Рөдина. Мед колясны ловйөн, татчө кевмыны волөмаөсь гөтыръясныс, чой-вокныс, батъ-мамныс.

Но зэв нин дыр вичко оло чөв. Дортыс мунан, да быттьөкө элясь, бөрдө. Та йылысь гижліс орчча Кекур сиктын чужлөм поэт Александр Лужииков, коді төмөн мунис миян дорысь:

Косъ пыр, би пыр мунөм бөрын
Мыйта мичлун миянөдз эз во...
Эжва йылын,
джуджыд нөрыс шөрын,
Изийсь вичко кыптывлөма со...

Өні вичко мисьтөм, кисьтөм.
(Кисьтөмторыс мөдысьсө оз ло).
Мыйла кисьтім? Вичко кисьтысь
Ачыс, гашкө, эз и гөгөрво...

...Гашкө, эз вөв
Енмыс водзын грекыс,
Вичко юргъяс гылөдаліс кор.

Но өд коліс мөвпыштлыны сәки,
Мый и вичко - МОРТӨН вөчөмтор.

Кывбурсө лыддөм бөрын мөвпала, мый йылысь көсйис висьтавын поэт. Вичкөсө лэптывлісны татчөс йөз жө, ёна водзынджык олысьяс. Вөчисны бура, нэм кежлө, мед тырмис дырсыс-дыр суйны вежөрө да лолө сөмын бурсө. Талун сьылөн өдзөсыс тупкөса. А меным сэтшөм окота, мед тайө вежа местаыс бөр ловзяс. Первой өти буртор бергөдчас миян дорө, сөсся мөд...

Оз жө татшөм мича да кыпид сиктысь быр! Татысь петісны нималана гижысьяс Сандрик Никол да Сандрик Ёгор, Пётр да Борис Шаховьяс, Александр Лужииков. Быдмөны том гижысьяс. Гижны велөдан кружокө ветлысь ёртгьяскөд зляам лунысь-лун. Таво весиг гижим сиктлөн олан туй йылысь висьт, мөвпалім сьылөн аския лун йылысь. «Шуда поз» республикаса конкурсын петім вермысьяс лыдө. Окота төдмавын сикт йылысь нөшта унджык.

Мария ШАХОВА.

Пожөг.